



# 65 Absalomu

### Kwa Biblia

2 Samweli 15:1—14; 2 Samweli 18:5—17 & 31—33

### Kiini cha somo

Kuonyesha uovu wa kujiinua na kujipenda. Daudi aliabudu Mungu hata kwa shida zake. Alishukuru Mungu kwa baraka zake zote

### Somo

Daudi alikuwa Mfalme wa Israeli kwa muda mrefu. Alikuwa Mfalme mzuri tena askari shujaa. Daudi alikuwa na mwana aliyeitwa Absalomu. Absalomu alikuwa na sura nzuri lakini alikuwa na maringo na wakujipenda. Absalomu alitaka kuwa Mfalme. Alijipangia kuwa Mfalme badala ya babaye Daudi.

Absalomu alitabasamia kila mtu aliyemuona. Aliwazungumzia vizuri. Alijifanya kuwa rafiki wao. Alikusanya watu wamfuate. Alipokuwa na watu wengi wa kumfuata, alienda Hebroni. Alipofika Hebroni, Absalomu alipiga tarumbeta na wafuasi wake wote walipaza sauti wakisema, “Mungu okoa Mfalme Absalomu.” Absalomu alituma wapelelezi wakusanye wafuasi wake walioko Israeli wapigane na Daudi.



Absalomu alienda na jeshi lake Yerusalemu. Mjumbe alipelekea Daudi habari. Alimwambia kwamba Absalomu alikuwa amejitwika kuwa Mfalme na alikuwa anakuja kupigana na Daudi.

### Maswali

1. Nani alipanga kuwa Mfalme badala ya Daudi?
2. Absalomu alifanya nini Hebroni?
3. Daudi alifanya nini aliposikia habari?
4. Daudi alikimbia akaenda mji gani?
5. Daudi aliamrisha Yoabu nini walipokuwa wakienda kwa vita?
6. Majeshi mawili hayo yalikutania wapi?
7. Absalomu alifanya nini alipoona jeshi lake likishindwa?
8. Nini ilifanyika kwa Absalomu alipokuwa akitoroka?
9. Yoabu alifanya nini?
10. Daudi alifanya nini aliporudi Yerusalemu?

### Majibu

1. Absalomu, mwana wa Daudi alipanga kuwa Mfalme.
2. Absalomu alipiga tarumbeta; watu wote walipaza sauti, “Mungu okoa Mfalme.”
3. Daudi alitoroka kutoka Yerusalemu. Aliacha Sanduku la Mungu Yerusalemu.
4. Daudi alitoroka na akaenda kuishi Mahanaimu
5. Daudi aliamrisha, “Msimuumize mwanangu Absalomu.”
6. Majeshi mawili hayo yalikutana kwa msitu wa Efraimu.
7. Absalomu alitoroka.
8. Nywele ya Absalomu ilishikwa juu kwa mti wa mwaloni. Nyumbu wake alienda na kuacha Absalomu akining’inia kwa mti.
9. Yoabu alichukua vishale vitatu na akachoma Absalomu kwa moyo.
10. Daudi alimtukuza Mungu na kumshukuru kwa kumrudisha nyumbani salama.

Daudi aliposikia kwamba Absalomu alikuwa anakuja kupigana naye, alijitayarisha haraka na kutaka kwenda. Aliacha Sanduku la Mungu Yerusalemu. Aliomba kwamba Mungu atamrudisha Yerusalemu akiwa mzima ili amuabudu kwa amani.

Daudi aliacha marafiki wake wengine waaminifu Yerusalemu. Aliwaacha wakae kama wapelelezi ili wampelekee habari kuhusu mipango ya Absalomu. Daudi na watu wake walitoroka Yerusalemu. Daudi alitoka Yerusalemu na akakwea mlima wa mizeituni. Daudi na watu wake walilia walipotoka Yerusalemu. Ilikuwa siku ya huzuni sana. Mwana wa Daudi alikuwa amemuasi.

Daudi alivuka mto wa Yordani na kwenda mpaka Mahanaimu. Baadhi ya marafiki wa Daudi walikutana naye wakimkuja wamletee chakula, vinywaji na kumtia moyo. Baada ya siku chache, Absalomu alikuja kupigana na Daudi. Watu wa Daudi walimshawishi asiende kwa vita kupigana. Absalomu alitaka kuuu Daudi. Ikiwa Daudi atauwa, watu wake watamtumikia Absalomu kama Mfalme wao. Watu wake hawakutaka Daudi aende. Kwa hivyo Daudi alikubali kubaki Mahanaimu. Daudi aliangalia watu wake wakitoka ili waende kupigana na Absalomu. Daudi bado alikuwa anampenda mwana wake hata kama Absalomu alitaka kupigana naye. Daudi hakutaka auwawe. Kwa hivyo aliamrisha Yoabu nahodha wake mkuu, kwamba, "Msimuumize mwanangu Absalomu." Watu wake wote walisikia akiamrisha wasimuumize Absalomu.

Majeshi yote mbili walisongea. Walikutana nyikani kwa eneo la msitu wa Efraimu. Watu wa Daudi walipigana na watu wa Absalomu katika huo msitu. Daudi alikuwa amefunza watu wake kupigana. Walikuwa askari wazuri sana. Absalomu hakuwa amefunza wafuasi wake. Watu wa Daudi walikuwa na ushindi mkuu. Waliua watu elfu ishirini wa Absalomu.

Absalomu aliona kwamba watu wake walikuwa wanashindwa kwa vita. Absalomu hakuwa na ujasiri. Absalomu alikuwa hafifu tena wakujipenda. Hakukaa asaidie watu wake. Alipoona vita vinamlelea, alitoroka.

Absalomu alikuwa amepanda nyumbu. Alikimbilia ndani ya huo msitu mnene. Alikuwa na nywele mrefu. Nywele yake mrefu ilishikwa kwa matawi ya mti mkubwa wa mwaloni.



Yule nyumbu wa Absalomu alikimbia na kuendelea kwa msitu bila yeye. Absalomu alibaki ameshikwa kwa nywele aking'inia juu kwa mti. Mmoja wa watu wa Daudi alisikia Absalomu akipiga kelele. Alipata Absalomu aking'inia kwa mti wa mwaloni. Alikimbia haraka kuambia Yoabu nahodha mkuu. Yoabu aliuliza huyo mtu, "Mbona haujamua." Huyo askari alimjibu, "Mfalme Daudi aliamrisha kwamba mtu asimuumize Absalomu mwanawe."

Yoabu alichukua vishale vitatu. Akakimbia kwa msitu alikokuwa Absalomu. Yoabu alipata Absalomu ananing'inia kwa mti wa mwaloni ameshikwa kwa nywele. Yoabu alichoma Absalomu na hivyo vikuki ndani ya moyo. Papo Absalomu akafa.

Yoabu alipiga tarumbeta kwa muda mrefu akiita jeshi lake. Jeshi lilisanyika kwa Yoabu. Watu wa Daudi waliteremsha mwili wa Absalomu wakiwa kimya. Walitupa huo mwili ndani ya shimo. Kisha wakaweka chungu kubwa la mawe juu ya mwili wa Absalomu. Yoabu akarudi na jeshi lake kule Mahanaimu. Yoabu akatuma mjumbe kwa Daudi akimuelezea kwamba wameshinda vita. Daudi alikuwa ameongojea kwa lango la jiji. Alingojea habari ya vita.

Mjumbe alikimbia mpaka kwa Daudi. Akamwambia, "Naleta habari njema kutoka kwa vita. Bwana amesaidia Yoabu na watu wako kushinda adui wako kwa vita." Daudi aliuliza, "Na mwanangu Absalomu, ako salama?" Mjumbe alijibu, "La, Absalomu amekufa." Daudi alienda ndani ya chumba akilia, "Ee mwanangu, Absalomu. Mwanangu, mwanangu. Afadhali mimi ningekufa badala yako. Ee Absalomu, mwanangu, mwanangu."

Baadaye Daudi alirudi na kukaa kwa lango. Alishukuru wale watu wote waliohatarisha maisha yao kwa kupigana kwa ajili yake. Waisraeli wote walikubali Daudi kuwa Mfalme tena. Daudi alirudi Yerusalemu akaabudu Mungu na kumtukua. Daudi alishukuru Mungu kwa kumrudisha nyumbani salama.